

◆香港仙樂曲藝社出品◆雷桂開 葉慧芬 葉愛蓮編輯 盧國賢校對◆雷氏粵曲教材系列◆局部彙珍集◆電話6888 3333◆傳真2332 3600◆

蝦▲起滾花▼等我講吓阿哥啲種種 嘅壞蛋(尺)。佢係處嚟管

手管腳，好似我老豆 返生(上)。

▲中板▼佢做 阿哥，重慘過做皇帝，啲威權 咁猛(尺)

。時時呢我嘢食，而且借咗錢，佢誓願 都唔還(上)。

我記得有一勻，佢賒咗兩個仙，哎呀啲福州 嘅山欖。

俾人追到佢瘦，監硬打爛 我個錢罐(上)。咁好叫細佬

，你都本來 痛得 一啖(尺)。點知到佢，人心冇厭足，

一味恃住 野蠻(上)。將我嚟消磨，呢時又嚟掐，啲時又

嚟扭，當作係家常 便飯(尺)。開講都有話，趕狗入窮巷

，一定會將佢 打番(上)。

▲過長序▼

蘇▲浪白▼阿媽你唔好聽佢講，

▲接唱▼我哋好 阿媽，若果聽佢言詞，真係好人 都有限

(尺)。皆 因佢，亂車亂諦，未免係推波 助瀾(上)。

佢 向來，貪威識食，更兼練精 學懶(尺)。我教細佬

，亦應該，我都不厭 其煩(上)。佢第一個韌皮，週時玩

到祖先 嘅燈盞(尺)。如果唔教佢，容乜易被佢掘到個老

豆 嘅墳山(上)：喂，細佬呀細佬，聽我把啲金石良言

相諫(尺)。等我唱只歌你聽吓呢，

▲清歌▼雞公仔，尾彎彎(工)：做人細佬，實在艱難(合)

。大佬讀書細佬玩晏(上)。

▲轉二王▼嗰陣更：覺，心：煩(合)。

◆香港仙樂曲藝社出品◆雷桂開 葉慧芬 葉愛蓮編輯 盧國賢校對◆雷氏粵曲教材系列◆局部彙珍集◆電話6888 3333◆傳真2332 3600◆

▲唱序▼都一定要為難，

蝦▲**唱曲**▼我吓吓歪，你咪咁荒唐懶叻呢，大家係兄弟啫囉

▲唱序▼你因何將我咁為難，你都分明大食懶，

▲**唱曲**▼你重唱歌嚟激我，你估我唔：會，唱：番（尺）。

▲唱序▼你聽吓啱唔啱，

蘇▲**唱曲**▼任你唱去唱來，都係大：哥，至：嘆（上）。

蝦▲**唱序**▼真係唔係囉，你聽住 嚟，

▲清歌▼落雨大，水浸街。阿哥擔柴賣，細佬著花鞋。

▲轉二王▼應該我：要，安：閒（合）。

▲唱序▼呢咁至係無人彈，

蘇▲**西皮下句**▼真 真大膽，信唔信，當你賊來辦，打到你頭都爛，怕你抖 氣 唔 返，

蝦▲**接唱**▼我都未曾見過囉，我真唔 信 咁交關，拉你去坐監，你願住嚟一聲，將 你 打 番（尺）。

蘇▲**浪裡白**▼嘻嘻，大佬打細佬都要坐監啫？

蝦▲**浪白**▼你估，

蘇▲**浪白**▼你信唔信我打你唔呢，

蝦▲**浪白**▼我真唔信番盲鬼，

蘇▲**浪白**▼唔信吖嘩，唔信吖嘩，

蝦▲**浪白**▼唉咗唉咗，阿媽，阿媽，佢打親我個肚嗝，

醜▲浪白▼唉，死仔，你又嚟打交係唔係呀又，

蝦▲接唱▼唉^{ㄨㄟ}咁^{ㄨㄟ}咁^{ㄨㄟ}咁^{ㄨㄟ}，鬼咁痛呀媽，幾乎打爛我咪，乜你咁狼

開^{ㄨㄟ}，打得我腸都爛^{ㄨㄟ}，一定難食飯^{ㄨㄟ}，

蘇▲接唱▼你死^{ㄨㄟ} 咗去^{ㄨㄟ}，我都唔^{ㄨㄟ} 喊^{ㄨㄟ}，

蝦▲接唱▼阿^{ㄨㄟ} 媽^{ㄨㄟ} 你^{ㄨㄟ} 睇吓^{ㄨㄟ} 佢^{ㄨㄟ}，乜^{ㄨㄟ} 咁刁蠻^{ㄨㄟ}（合）。

醜▲口白▼唉，阿蘇阿蝦生吓性啦，你都唔知道阿媽幾辛苦致

生得你出嚟呀，正係十月懷胎，眠乾睡濕，一旦有乜傷風

鼻塞囉嗶，我就去求神拜佛咯，真正個灰都重過你哋呀，

而家長大成人，終日吵家鬧戶，他日叫我依靠邊個呢，

唉，真係冇功勞咯，

蘇蝦▲同白▼阿媽，你唔好喊，我地第二次唔敢咯，

蘇▲起合尺花▼我叫一聲我地好媽媽（合），阿媽，你都唔喊

（上）。

蝦▲接唱▼從此後兄和弟愛（士），阿媽，你莫心煩（尺）。

（此曲完）



（一九八〇年創辦）

雷氏粵曲教材系列 香港仙樂曲藝社出品
雷桂開 葉慧芬 葉愛蓮編輯 盧挺豐校對